

# kontuola...

**KONTUOLA, Idolaz elkarte, ANTZUOLA. Kazetaria:** Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea.

*Antzuolako hamabostekaria. 9 zenbakia, 1998-1-23*

## Antzuolako herria Interneten

Ipuin mitologikoa ikusgai Antzuolak Interneten duen orrian

**Multimedia, web orriak, irudi birtualak... eta guzti horrekin batera, herriko mito eta istorio zaharrak. "Herri birtuala" izeneko proiektuaren barruan Angelo Cacciolo italiarrak Eman eta hartu ipuina egin du Antzuolako jubilatuek kontatutakoan oinarrituz. Urtarrilaren 10ean egon zen erakusgai udaletxean eta harrezkero Interneten dago ikusgai.**

**U**r haundietatik babesteko garai bateko antzuolarrek urrezko kanpai bat izkutatu zuten pagadi batean. Bi anai hungariar etorri omen ziren herrira zaldiak saltzera azokara. Bertan jakin zuten urrezko kanpai bat zegoela izkutaturik eta aberastu nahian haren bila hasi zirenean sorginekin egin zuten topo. Istorioak dioenez, bi anaiak pago bihurturik kanpaia babesten dute.

Angelo Cacciolik bere lankideekin bildutako informazioarekin batera osatutako istorioa da eta Mikel Larrea alkateak dioenez, "proiektua oraindik gorpuzten ari da; momentuz, honi esker, gure aiton-amonen istorioak errekuiperatu ditugu eta horixe da Eman eta hartuk erakusten duena".

### Umeen marrazkiak ere Interneten

Herriko eskolako 3. mailako ikasleek ere hartu dute parte proiektu honetan. Olentzeroren 9 marrazki egin dituzte eta hauek ere ikusgai daude <http://www.elkarkom.com/euskadi/antzuola/ipuin> helbide elektronikoa. Haurrek dioetenez, "Internetarako zirela esan ziguten eta gabon subillaren marrazki bat egin behar genuela; guk ez genuen ga-



*3. mailakoen marrazkiak ikus daitezke Eman eta hartu izeneko ipuinarekin.*

bon subillaren ohitura ezagutzen". Oraindik internet zer den oso ondo ez badakite ere, antzinako istorio horren berri izatea gustatu zaie eta marrazkiak ikusteko irrikitan daude.

Badira herrian Antzuolako atala Interneten ikusi dutenak eta geroz eta gehiago dira helbide horretara konekta-

tzen direnak euren etxeetatik, hala ere, "Herri Birtuala" proiektuak aurrera segitzeko asmoa dauka eta ahalik eta erabilgarritasun handiena izatea nahiko lukete proiektua lantzen ari direnak.

Mikelek dioenez, orain arte egindakoa jendea medio hauek erabiltzen ohi zeko modu bat da.

■ ■ ■  
<http://www.elkarkom.com/euskadi/antzuola/ipuin>, Antzuolako helbidea Interneten



## Antzuolako jubilatuko agur:



**Jose Mari Ugalde**

Irtsi zaigu garaia urteko balantzea egiteko, eta ondo egin diren ekintzak, hain ondo egin ez direnak, beharbada gaizki edo egin gabe utzi direnak, denak aztertu eta

balorazioa egiteko garaia.

Hau egiten hasi naizenean burutazio asko sortu zaizkit Antzuolako jubilatuko eta pentsiodunei buruz. Dakizue ez multzo handia gara, gehienak bazkideak, baina oraindik badira bazkide ez direnak ere, eta bereziki horiei nire deia eta era berean galdera. Zer ikusten diguzue zuen gustokoa ez dena gure Elkarte-an? Gusto handiz hitz egingo dugu ados jartzeko eta horrela ez balitz, ez litzateke ezer pasatuko.

Denok edo gehienok ikusi, entzun eta irakurriko zenuten gure adineko pertsonei buruz; ahituak gaudela, gastatu besterik ez dugula egiten, beti eskean gabiltzala... Baina herriaren aurrean azaldu behar dugu hori ez dela horrela eta ez garela hondakineta botatzeko material bat. Ez daukagu gezurrik esan beharrik, baizik eta demostratu oraindik badugula indarra eta borondatea gainezka herriaren alde lan egiteko. Horretarako denok elkarrekin joan behar dugu eta hau da nire deia egiteko arrazoiak:

Elkarturik herrian indar handi bat gara, indar apala, baina gauzak sakon ikusi eta bereizten dakiguna, eta eskatu bakarrik egingo ez duguna.

# Ongi Etorri taberna: 25 urte Isidororekin



*Oso gustora egon ziren afarian Isidoro eta Sabina.*

Orain dela 25 urte hartu zuen Isidoro Quintanak Ongi Etorri taberna. Erronka bat izan da horrenbeste urtetan lanean aritzea berak dioenez, "apustuak egin ziren guk Ongi Etorrin zenbat denbora iraun, aurretik tarte motzean aldaketa dexente izan zirelako". Antzuolara etorri zenean harrituta gelditu zen, "Sabina Zumetan bizi zen eta bisitatzera etorri nintzaionean euria ziharduen. Baserrira iristeko kristonak egin nituen; hurrengo goizean hura dena berde ikusi eta oiha-nean nengoela iruditu zitzaidan. Ni herri-tik etorri berria nintzen, dena laua eta lehorra zen eta hemen, euria, berdea... Antzuolan ez nintzela geldituko uste nuen baina 25 urte daramatzat herri honetan".

Mende laurden honetan herriko ohi-turak ere aldatu direla dio, "lehen egunero 50-60 litro ardo edaten ziren, 20 eta 60 urte artekoak kartetan jokoan

ikustea normala zen, lanetik irten eta txikitero kuadrilek taberna berean egiten zuten erronda bana...".

Abenduaren 27an ospatu zuen 25. urteurrena tabernan eta egun berezia izan zen Isidororentzat, "orduko prezioak ipini genituen eta jendea bi pezeta rubiekin eta bi errealekin etorri zitzaidan txikitoa edatera. Kafea 7 PTAn, pintxoak 5 PTAn, kopak 12 PTAn eta puruak 6 PTAn ziren. Taberna hartu nuen lehenengo egunean 1.800 PTA atera nituen eta urteurrenean 4.000. Afaria ere egin genuen. 60 bat lagun egon ziren 100 PTAn afaltzen, oso ondo pasatu genuen".


Hurrengo 25 urteetan zer egingo duen galdetean, "jarraipen bat egon dadin saiaturko gara, baina nire ilusioa da ondorengoek jarraitzea; hemen nire emaztearen eta nire bizitza osoa dago eta egia esan oso gustora gaude; orain ikusi egin behar ondorengo gogoak".

KALEGOI 19 ☎ 76 64 07

*Tomas Gezalaga*

**ANTZUOLA BERGARA**

- Apainketarako eta industriadako pinturak •
- Paper margotuak •
- Moketak eta tapizatuak •



**Z** Zabalo Iturgintza S.L.

Bidea eginez

**Tailerra:** Uzarraga bidea 10. Tf. 78 71 78

**Erakusketa:** Kalebarren 1. Tf. 78 71 79, Tf. eta F. 76 64 73

- Gasak
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditenteak bideratzen ditugu

# Presoen aldeko plataforma eratzen

Euskal presoak Euskal Herrira plataforma eratzen ari dira herrian. Orain dela hilabete batzuk hasi ziren Senideak taldeak egindako proposamena herrian zabaldu nahian eta poliki baina ziur ari dira lanean hamar bat lagun hamabostero-ko bileretan.

Plataformako partehartzaile batek dioen bezala "plataforma ahalik eta zabalena eratu nahi dugu, azken finean arazoa guztiona da, eta ezin gara begira gelditu; gainera bazegoen premia, betiko zirkuituetatik kanpo gai honi heltzeko, ikusteko denon gauza bat dela eta ez bakarrik orain arte beti mugitu izan direna".

Jadanik herriko talde guztiei beraien asmoak azaltzeko gutun bana bidali diete, eta plataforman parte hartzeko gonbitea ere egin diete. Beraien plan-

teamendu nagusia indarrean dagoen legea betearaztea litzateke. "Presoen kasuan agintariak ez dute eurok egindako legea betetzen eta guk eskatzen duguna legeak jasotzen duena betetzea baino ez da". Hiru puntutan oinarritzen dira "presoen euren etxeetatik gertuen dagoen kartzelan egoteko eskubidea, kondanaren 3/4ak beteta dituztenak kalera-zea eta gaixotasun larriak dituzten presoak etxeratzea".

## Hurrengo bilera

Plataformak antzularren laguntza nahi du eta hurrengo bilerarako deialdia ere egin dute. "Otsailaren 10ean, martitzena, egingo dugu, 19:00etan, *salon parroki*alean; ateak zabalik daude etorri nahi duen guztiarentzat".

## Asanblada Gaztetxean

Datorren zapatuan, urtarrilak 31, 18:30etan, Gaztetxeko arduradun berriak hautatzeko asanblada berezia egingo da. Antzuolako Gazte Asanbladak interesatu guztiei deialdia egin nahi die asanbladan parte hartzeko.

## Gazinema

Urtarrilaren 23an, Eraser filmea izango da ikusgai 22:00etan. Domekan, urtarrilak 25, 16:30etan Un padre en apuros filmea. Datorren astean, urtarrilak 30, 22:00etan Striptease eskainiko du Gazinemak eta domekan, otsailak 2, Space Jam 16:30etan.

## Jatetxe Gidak

Idolazek San Blas egunean, Deba Garaiko 100 jatetxeren gida salduko du San Blasen, otsailaren 7an bertan ospatuko den mezaren ostean. Jatetxe Gidaren erosle bakoitzari aurtengo egutegi bana oparituko zaio, dena 500 PTAn. Animatu eta on egin!



## MIKEL LARRAÑAGA "MAKI" EIBAR FUTBOL TALDEAN "Periko Alonsok sekulako konfidantza ematen du"

**Urtarrilaren 10ean Periko Alonso, Eibar futbol taldeko entrenatzaileak deitu zion, Leganes taldearen aurkako partiduan partehartzeko.**

### Noiz deitu zizuten?

Eguakitzean deitu zidaten zapatuko partidurako eta sinestu ezinda nengoen. Gainera Perikok kazetariekin deialdia egin zuen eta mikrofonoak eta galderak... ez nekien non nengoen ere.

### Inuzentadarik bai?

Entrenamendu egunean dutxan nengoela Uria etorri zitzaidan bere dutxan

nengoela esanez eta aldatu arte ez zidan esan gezurretan zebilenik. Partiduan ez nintzen irten jokatzera eta orduan ere Uria izan zen "partidu ona e, Maki!" esanaz etorri zena.

### Jokatzerik espero zenuen?

Jokalaria bat kanporatu zutenean bankiloan geunden filialeko jokalaria bat eta ni; eta elkarri begiratu genion eta biok jakin genuen ez ginela irtengo.

### Ondo pasatu al zenuen?

Egia esateko oso ondo; euskaldun giroa dago Eibar taldean, tratu ona izan dut; Perikok sekulako konfidantza ematen du.



**MUEBLES  
IGEA**

Zurrategi plaza 4, behea ANTZUOLA Tf. eta faxa 78 71 80

Sukalderako eta  
bainurako altzariak  
Altzari rustikoetan  
espezializatuak

KALEGOI 19 ☎ 76 64 07

*Tomas Gezalaga*


ANTZUOLA BERGARA

• Zoruen kutxilatuta eta  
barnizaketa •

Jose Luis Lezeta eta Santos Lizarralde

# Kanpandorrea erre zenekoa

**Orain dela ia mende erdi, 1952ko urtarilaren 26an, eguerdi aldera, oinezarri batek jota, elizako kanpandorreak sua hartu zuen. Une horretan jendea zegoen eliza barruan eta ondoko "akzion katolika" aretoan. Jose Luis Lezeta eta Santos Lizarralde kontatu dizkigute orduko gora beherak.**



**E**gun hartan Jose Luis eta beste hogeita hamar bat lagun zeuden elizan; nolatan zeundeten ordu horretan elizan?

Eskolatik bialduta genden dotriñan Don Leandrokin –orduan dotriña emoten zan da abadiakin–; beste kuadrilla bat egoten zan akzion katolikan. Hamaika eta erdiak izengo zian eta orduan jausi zan hori; guk danok argixa ikusten giñuan eliza barruan; nik ikusten neban garra moduan dana; oinezarrixa badakizu argittasuna zela izeten dan; argixa jun egingo zan momentu haretan eta gero ba, argittasuna zan.

### Zer egin zenuten orduan?

Guk pentsau giñuan onena zala akzion katolikara jutia, haura akordauko jakon abadiai, eta harei elizara etortzia akordau jakuen; erdiko pasilluan trink egin giñuan. Gero kanpora irten giñan eta dana txingorrakin zuri-zuri eginda zeguan.

### Susto ona hartuko zenuten?

Sustua pasau zan, ezer etzan pasau ta. Bi segundu izen zan haura, zarat bat; geuk pe ez genkixen ze zan. Kanpora irten giñanian, txingorra ikusi eta trumoia zala jakin giñuan. Entzunda genden oiñeztarrixan ondoren trumoia zela izaten zan, baiña sustuakin badakizu...

### Eskolara itzuli zinetenean sua al zegoen oraindik?

Bai, gero arratsaldian, –eskolia oin berrixa da baiña zaharra altuago zeonbentanatik begira egoten giñan –mutikuak badakizu ihes eginda edo– eta kurutzia jausten ikusi giñuan. Eta oindio kan elizan ikusten da zulo bat kurutzia teillatuan egindakua, eliza barrenaldian, koruan goixan. Haura jausi zanian hirurak edo izengo zian. Don Satur maistruakin egongo giñan –haura zan da mutillendako maistrua–, neskak etzeren gurekin orduan.

### Santos Lizarralde ere gogoratzen da egun hartaz.


Tellerianian gebitzen lanian eta erten giñan sua emendatzeran. Bonberuak etzien atrebitzen teillatura ixotzen, –pentsaizu hortik mangeria tiratzeran–; neu ta Joxe Amezti –sakristaua zan orduan da– kanpaittuko burdiñiai obatu eta ni mangeria tiratzen han ibilli giñan. Txingorra

ziharduan eta gu oiñutsik oiñetakuekin be ezin zan ibilli ta.

### Zenbat denbora aritu zineten sua itzaltzen?

Kurutziak azpizan hartuta garbittu edo hotzak garbittu bihar ginttuala eta barrura sartu giñan. Etxian bazkaldu giñuan eta elizara bueltau giñan; aiuntamentuak afaixa emon zoskun eskertze ko lxobanian eta gero gabian errelebu egittera jun giñan. Guk gaba pasau giñuan han, ganbariak pe sua hartze ko peligrua zeukan eta hantxe egon giñan errelebu.

Hurrengo egunian akordau giñan zetan ibilli giñan kanpaittuko burdiñiai ikusi giñuanian zihero erdoittuta.



1952an erre zen kanpandorrea 1866koa zen.

“Eta oindiokan elizan ikusten da zulo bat kurutzia teillatuan egindakua”

**GOROSTI**  
**Taberna**

☎ 76 62 96  
Zurrategi plaza ANTZUOLA



**TXOMIN**  
garajea

Mekanika orokorra

Lizarragako hiribidea 8 ANTZUOLA  
Tf. 78 70 77

**LARREA**

**TABERNA**

Kalebarren 17  
ANTZUOLA

**igok eta Txomin**

*Pintura orokorrean.  
Paper, tela, binilo, kortxo... estaldurak.  
Gotelesa, iztukuak eta  
bestelako imitazioak.*

ANTZUOLA BERGARA  
☎ 76 60 39 ☎ 76 19 98